

# **iDusidusi ni iVola ni Soqoni ni Bula vaKarisito kei na Cakacaka Vakaitalatala**

## **MAJI 1-7**

**IYAU MAI NA VOSA NI KALOU | TIKO VOLI MAI NA LEKUTU 7-8**

**“Ka Eda Vulica ena Nodra Keba na Isireli”**

*it-1 497 ¶3*

**iVavakoso**

Era tiko e Isireli na tagane nuitaki era dau matataki ira na lewenivanua. (Ese 10:14) Era vakacaboisoro gona na “turaga ni yavusa” ni sa vakaduri na valeniveitavaki. (Tvl 7:1-11) Ena gauna i Niemaia, era vakadinadinataka ra qai dredgata “na veidinadinati bibi” na bete, Livai, kei ira na nodra “turaga na lewenivanua.” (Nie 9:38-10:27) Ena nodra ilakolako na Isireli ena vanua talasiga, era tiko na tagane “era iliuli ni isoqosoqo, era tamata digitaki ni ivavakoso, era turaga rogo.” E le 250 vei ira qori era tokoni Kora, Tecani, Epairami, kei Oni mera saqati Mosese kei Eroni. (Tvl 16:1-3) E muria o Mosese na veidusimaki i Jiova me digitaka e 70 na tagane vei ira na qase ni Isireli, mera veivuketaka “nodra icolacula bibi” na lewenivanua. E sega ni rawa ni cola duadua o Mosese na itavi qori. (Tvl 11:16, 17, 24, 25) Era cavuti ena Vunau ni Soro 4:15 “na qase ni Isireli,” e kena irairai gona nira matataki ira na lewenivanua o ira na qase, na iliuli, kena turaganilewa, kei ira na kena turaga lalai. —Tvl 1:4, 16; Jos 23:2; 24:1.

*it-2 796 ¶1*

**Rupeni**

Ena nodra keba na Isireli, era keba e yasandra na Rupeni na kawa i Simione kei Kata, qori ena ra ni valeniveitavaki. E liutaka na

tolu na yavusa qori o Rupeni ena nodra ilakolako, sa qai tarava yani na tolu na yavusa o Juta, Isakari, kei Sepuloni. (Tvl 2:10-16; 10:14-20) A muri tale ga na ituvaltuva qori nira vakacaboisoro na yavusa ena siga e vakatabui kina na valeniveitavaki.—Tvl 7:1, 2, 10-47.

## **Vakekeli ena Vosa ni Kalou**

*it-1 835*

**Ulumatua**

Era matataka na matanitu taucoko na tagane ulumatua. Na vuna? O ira sara ga qo era na iliuli ni nodra dui vuuale. E vakatoka mada ga o Jiova na matanitu taucoko me nona “ulumatua,” e nona matanitu ulumatua ena veiyalayalati kei Eparama. (Ly 4:22) Ni vakabulai ira o Jiova, e vakarota me vakatabui vua “na ulumatua tagane kece vei ira na Isireli . . . se mani tamata se manumanu.” (Ly 13:2) O ira gona na tagane ulumatua era nei Jiova.

## **MAJI 8-14**

**IYAU MAI NA VOSA NI KALOU | TIKO VOLI MAI NA LEKUTU 9-10**

**“Sala e Liutaki Ira Kina Nona Tamata o Jiova”**

*it-1 398 ¶3*

**Keba**

Na nodra toki na iwiliwili levu ni keba qo mai na dua na vanua ina dua tale (e vakamacalataka o Mosese e rauta ni 40 na keba qori ena Tiko Voli Mai na Lekutu 33) e ivakaraitaki ni ituvaltuva maqosa. Ni solega toka na o na dela ni valeniveitavaki, era na

keba tiko ga. Ni toso na o, e toso tale ga na keba. "Ena veivakaroti i Jiova era dau keba tiko ga, ena veivakaroti tale ga i Jiova era dau biubiu kina." (Tvl 9:15-23) E dau vakarogoi na veivakaroti qori i Jiova vei ira na lewenivanua, ni vakayagataki e rua na biukila e caka mai na siliva tuki-laki. (Tvl 10:2, 5, 6) Ni veitubuyaki na kena rorogo, e kena ibalebale mera biubiu na keba. E vakarogoi ena imatai ni gauna na rorogo ni biukila qori "ena ika<sup>20</sup> ni siga ni ikarua ni vula, ena ikarua ni yabaki [1512 B.G.V.]". Ena kau e liu na kato ni vei-yalayalati, sa na qai tarava yani na tolu na yavusa, e liutaka o Juta, tarava o Isakari, sa qai o Sepuloni. E tarava yani na vuuale i Keresoni kei Mirari, nira kauta na nodra iwasewase ni iyaya ni valeniveitavaki. Sa na qai tarava yani na tolu tale na yavusa, e liutaka o Rupeni, tarava o Simioni kei Kata. Oti e tarava yani na vuuale na Koaca nira colata na iyaya ni tikina tabu. Ra muri yani na tolu tale na yavusa na Ifireimi, Manasa, kei Penijamini. E qai muri sara yani o ira na yadrava tiko na daku ni keba, qori na iwasewase e liutaka o Tani, sa qai tarava yani o Asiri kei Navitalai. Erau tuvanki gona e rua na iwasewase levu duadua, e kaukaua tale ga me yadrava na mata ni keba kei na daku ni keba.—Tvl 10:11-28.

### Vakekeli ena Vosa ni Kalou

*it-1 199 ¶3  
Soqoni Vata*

**Na Bibi ni Soqoni Vata.** Eda raica sara ga ena soqo ni Lakosivia e veiyabaki, na bibi ni nodra soqoni vata mera vakayagataki na isolisolikalo e vakarautaka o Jiova. Ke dua na tagane e savasava tu, e sega tale ga ni gole tu ena dua na ilakolako yawa, ia e sega ni tiko ena soqo

ni Lakosivia, ena vakamatei. (Tvl 9:9-14) Gauna e kacivi ira kina na lewe i Juta kei Isireli o Tui Esekaia, mera lai duavata ena soqo ni lakosivia e Jerusalemi, e kaya: "Kemuni na Isireli, ni lesu vei Jiova . . . moni kua ni vakadomoqataki kemuni me vakataki ira na tukamuni. Moni vakamalu-malumu vei Jiova, moni lako ina nona vale tabu e vakasavasavataka me tawamudu, moni qaravi Jiova na nomuni Kalou, me goletani kina vei kemuni na nona cudru waqawaqa . . . ni yalovinaka qai yalololoma o Jiova na nomuni Kalou, ena sega ni gole tani na matana ke oni lesu vua." (2Ve 30: 6-9) Ke dua e nakita me calata na soqo ni Lakosivia, e vakaraitaka ni cakitaka na Kalou. Eda sa sega ni muria na lotu Vakarisito na soqo me vaka na Lakosivia, ia e uqeti keda o Paula meda kua ni biuta noda vakasosoqoni vata na tamata ni Kalou, e kaya: "Meda dau veinanumi nida veivaku-uqeti ena loloma kei na caka vinaka, meda kua ni biuta na noda soqoni vata me vaka e nodra ivalavalala eso, ia meda veivakayalo-qaqataki, io me vakalevu nida raica ni sa voleka mai na siga."—Ipe 10:24, 25; raica CONGREGATION.

## MAJI 15-21

### IYAU MAI NA VOSA NI KALOU | TIKO VOLI MAI NA LEKUTU 11-12

### "Na Cava Meda Kua ni Vosakudrukudru Kina?"

*it-2 719 ¶4  
Veiba*

**Vosakudrukudru.** Na vosakudrukudru e veivakayalolailaitaki, e veivakaleqai tale ga. Se sega ni dede nodra biuti Ijipita na Isireli era vosakudrukudrutaki Jiova. Era vaka-lewai rau na nona dauveiqaravi e lesia me

liutaki ira, o Mosese kei Eroni. (Ly 16:2, 7) Dua na gauna emuri e vakayalolailaitaki Mosese sara ga nodra vosakudrukudru, e mani kerea vei Jiova me sa mate ga. (Tvl 11:13-15) Ni dua e vosakudrukudru ena rawa ni vakavuna nona mate. Nira vosakudrukudrataki Mosese, e raica qori o Jiova nira sa vosakudrukudrataka sara tiko ga nona veiliutaki vakalou. (Tvl 14:26-30) Levu era vakamatei nira cakava qori.

### **Vakekeli ena Vosa ni Kalou**

*it-2 309*

Mana

**Kena iVakamacala.** Na mana e “vulavula vaka na sore ni koriada.” Na kena “irairai” e vaka na drega ni deliamo, na rokana e vaka na roka ni mataniciva. Na kena ikana-kana e vaka “na keke rabaraba vakaoni,” se vaka na “madrai kamikamica e vakawaiwai-taki.” Nira qaqia oti ena iqaqi se ra vutuka ena tabili lalai, sa na qai saqa se buli me vaka na keke qai vavi.—Ly 16:23, 31; Tvl 11:7, 8.

### **MAJI 22-28**

#### **IYAU MAI NA VOSA NI KALOU | TIKO VOLI MAI NA LEKUTU 13-14**

**“Eda Yaloqaqa ena Vuku ni Noda Vakabauta”**

### **Vakekeli ena Vosa ni Kalou**

*it-1 740*

**Na Vanua e Solia na Kalou Vei Ira na Isireli**

E vanua vinaka dina na vanua e solia na Kalou vei ira na Isireli. E talai ratou na yamata o Mosese me ratou liu ena Vanua Yalataki qai kauta mai eso na vua ni itei. Eratou qai kauta mai na vuanilolo, eso na pomekaraneti, kei na dua na isoso vuani-

vaini levu, erau colata mada ga na ivua e rua na tagane! Eratou soli iulubale ni lai-lai nodratou vakabauta, ia e ratou kaya ni vanua qori “e drodro dina kina na sucu kei na oni.”—Tvl 13:23, 27.

### **EPERELI 19-25**

#### **IYAU MAI NA VOSA NI KALOU | TIKO VOLI MAI NA LEKUTU 22-24**

**“Veisautaka o Jiova na Vosa ni Cudru me Veivakalougatataki”**

*it-2 291*

Lialia

**Lialia ni Saqati Jiova.** E via parofisaitaka o Pelami na ka ca me baleti ira na Isireli, me rawa ilavo kina vei Tui Pelaki e Moapi. Qori e dua dina na vakatulewa lialia, e qai tarova o Jiova nona sasaga. E vola na yapositolo o Pita me baleti Pelami, “E qai vakaseva na sala lialia e sa muria tiko na parofita qo e dua na manumanu dau cakacaka ni vosa vua ena domo ni tamata.” Ni vakamacalataka na yapositolo nona lialia o Pelami, e vakayagataka e dua na vosa vaKirisi *pa·ra·phro·ni'a*, e kena ibalebale ka vakalalia, se ivalavalava vakalia.—2Pi 2:15, 16; Tvl 22:26-31.

### **EPERELI 26-ME 2**

#### **IYAU MAI NA VOSA NI KALOU | TIKO VOLI MAI NA LEKUTU 25-26**

**“Ena Yaga na ka e Cakava e Dua ga na Tamata?”**

### **Vakekeli ena Vosa ni Kalou**

*it-1 359 ¶1-2*

**iYala ni Vanua**

E kena irairai gona ni dau yavutaki na wasei ni qele ena rua na ka: na macala

ni vakawirimadigi, kei na levu ni yavusa. E vakadeitaki ena vakawirimadigi na vanua me tawana na yavusa yadua. Ena dusia na yasa ni vanua cava me tawanu, me vaka na vualiku se ceva, tokalau se na ra, bati ni baravi se veiulunivanua. Na macala ni vakawirimadigi e vu mai vei Jiova, era na sega gona ni vuvu se veiba na yavusa. (Vvb 16:33) E veidusimaki na Kalou ena iwalewale qori, me salavata kei na nona parofisai uqeti vakalou na petriaki o Jekope ni bera ni mate, e volai ena Vakatekivu 49:1-33.

Ni sa vakadeitaki oti ena vakawirimadigi na vanua me tawana e dua na yavusa, sa na qai veiganiti me vakadeitaki na iyala ni vanua qori ni muri na ikarua ni iwalewale: ya na levu ni yavusa. “Moni vota na vanua ena vakawirimadigi ena kedra maliwa na nomuni vuvale. Moni vakalevutaka na nodra ivotavota na iwasewase lelevu, moni vakalailaitaka na nodra ivotavota na iwasewase lalai. Ena vakatau ena vakawirimadigi na nodra ivotavota na tamata yadua.” (Tvl 33:54) Ena sega ni veisau na vanua e vakadeitaki ena vakawirimadigi, e rawa ga ni veisau na levu ni vanua se na kena iyala. Sa rauta me wasei vei ira na yavusa i Simioni na ivotavota qele i Juta ena gauna e laurai kina ni sa rui levu.—Jos 19:9.























